



Ahleikhun le Felfai Riantuanpiak Pawl

COVID-19 RUANGAH RIANTUAN PIAKNAK THLENNAWNNAK PAWL

COVID-19 a hun chuahphut tikah Ahleikhun le Felfai Riantuanpiaknak pawl cu riantuanpiakmi pawl sinah pehzulh in pek asi. Sihmanhsehlaw, phung ning in ngandamnak ruahnakcheuhmi ning in riantuanpiaknak pek ning cu aa thleng kho men.

Hi athar tawltrelnak pawl dingteo in ceihmai dingah na **riantuanpiaknak petu** kha zangfahnak in pehtlaihnaak tuah.

COVID-19 le a hmelchunhnak pawl kong hlathlai

Atlangpi Zohnak

Minung Umhmunkhuarnak Bawmhnak Prokrem(HSP) nih minung hna bawm dingah a rak lutmi hna le herhnak phunphun a ngei i atlakmi visa a tlaihmi hna caah ahleikhun tuahmi le a thukfelmi riantuanpiaknak a pek hna.

SIS nih arami hna cu atlakmi biapipa-thil tuahpiaknak hna an ngeih ngakhnga bawmh ding le mahte in an herhmi thil hna siamrem dingah aherhmi thiamnak thachoter nakding ah caan tawi herhnak-hrumbunh bawmhnak a pek hna. SIS hna cu Ramchung Thil Tawltrelnak Department (Department) aiawh in HSP Rianpiaknak Petu hna nih an pek.

HSP riantuanpiaknak petu umnak hmunhna pawl le pehtlaihnaak theihhngalhnak cu **kahin a um**.

Atlakmi Sinak

Atang i langtermi visa pawl lakah pakhat aa tlaihmi cu SIS caah tlinnak a ngei kho men:

- Ralzaam (thenchinmi 200, 201, 203 le 204)
- Vawleicung huap Ahleikhun Minung Zawnruahnak (thenchinmi 202)
- Runvennak (thenchinmi 866)
- Chikkhat Runvennak (thenchinmi 785), Chikkhat Minung Zawnruahnak ruangah umnak (thenchinmi 449), Chikkhat Minung Zawnruahnak Siaherhnak (thenchinmi 786) le Ahimmi Dornak Hmun (thenchinmi 790).

Hi bantuk visa pawl a tlaihmi nih Australia an phak hnu kum nga tiang asiloah hi ram vawlei lamhnak nawl pekmi visa an ngah hnu kum nga tiang ah, SIS caah atlakmi an si kho.

Adangmi dirhmun he pehtlaiin, Hi visa a tlaihmi hna cu hi caan leng ah SIS caah atlakmi an si kho asiloah itlaknak cu adang thenmi visa a tlaihmi hna caah sauh khawh asi. Australia Rammi hna cu SIS caah atlakmi an si lo.

SIS a ngah kho ding asimi nih aa tlakmi bawmhnak pawl cohlan dingah mah tein aa tuah kho lomi a sinak kha a langhter khawh hrimhrim lai i donkhaantu tampi asilole a buaibaimi thil nih a hnorsuanmi a si lai, hi ah aa tel khomi hna cu:

- pumtlinlonak
- fak khun in ngandamnak a herhmi, a zual ngaimi, caan sau le/asilole tawrelpiak lomi
- lungthinlei ngandamlonak thilcang
- inn ngeilonak asilole umnak fehluanlonak
- innchungkhar le chungkhar buaibainak
- ngakchia le mino damnak caah lungretheihnak
- innchungkhar le/asilole pehtlainnak rawhnak
- zatlang nun hrawmlonak(adang tein umnak)
- tangkalei harsatnak
- phunlamglei thilcang pawl

SIS caah ho nih dah a sawkpiak khawh?

Bu pakhatkhat asiloah pumpak nih SIS caah a sawkpiak khawh. Mahte-sawknak zong a ngah.

SIS caah minung kuat ningcang

SIS caah mi pakhat hmuhsak dingah, zaangfahnak in online **SIS Hmuhsaknak Form** hi tling tein phi.

SIS caah mi pakhat cu atlakmi asi maw tin a fian lo ahcun, asiloah hi form phitnak ah bawmhnak na herh ahcun, zangfahnak in riantuan caan AEST chung (Australia chungah alaak chawhnak) ah 1300 855 669 chawhnak in SIS hlathlainak line kha pehtlai.

Online form phitnak ah seehlei harnak na ton ahcun, zung kai caan chungah HSP System Helpdesk kha 1800 020 283 ah chawhnak in asiloah hspsystem.helpdesk@dss.gov.au. ah email kuatnak in bawmhnak cu a ngah.

Online hmuhsaknak form ah na luhkhawh lo ahcun **catlap phitnak** in na phit khawh.

Sawknak ap hnu ah zeidah a cang

Department nih phitmi form a hmuh bakin, sawkpiakmi minung (hna) itlaknak cu mankhiahnak a tuah lai i biachahnak cu sawkpiaktu kha a theiher lai. Cu minung(hna) cu SIS caah itlaknak tahnak ah lungsinak a ngei ko ti hmuh asi ahcun, Department nih cu minung(hna) sinah SIS pek dingah HSP Riantuanpiaknak Petu kha a hman lai.

A sawkmi nih SIS a hmuhnak caan saunak cu pumpak herhnak ah hrambunh asi, asinain atlangpi in thla ruk tiang asi kho.